



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 70. Pax Badena inter Principem Abbatem San Gallensem & Helvetios

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

autem, si hi Doctores rursus nova con- Sæc. XVIII.  
 dituri statuta eorum confirmationem A.C. 1718.  
 peterent, eam eis denegaret, ac præ-  
 cipue ejusmodi novitates impostero  
 introduci haud pateretur: His jussis mo-  
 rem gerens Præses, cunctos Professo-  
 res eo adegit, ut Regiæ legi, qua die  
 septima Octobris silentium cunctis im-  
 ponebatur, se inviolata fide adhæsurus  
 pollicerentur, hancque eorum declara-  
 tionem Facultatis Theologicæ tabulis  
 inferi peterent.

§. LXX.

*Pax Badena inter Principem Abba-  
 tem San - Gallensem & Hel-  
 vetios.*

**M**ortuo Leodegario San-Gallensi Prin- Kettel.  
 cipe & Abbate Monachi Raven- Dec. VI.  
 spergæ in Monasterio Mereravienli pro pag. 866.  
 futura novi Abbatis electione die deci- Hist. cont.  
 ma octava Decembris convenerunt, pa- Chron. l. 16.  
 ctumque iniere, vi cujus impostero pag. 88.  
 eligendi Abbates, se sine Capituli con-  
 sensu nec bellum nec pacem, nec aliam  
 maximi momenti causam acturos pol-  
 licerentur: His ita conventis in Abba-  
 tem unanimi suffragio elegerunt Jose-  
 phum de Rudolphis Laybaci in Ca-  
 rinthia natum hujus Abbatix subprio-  
 rem, Virum oppido prudentem, pa-  
 cisque

Bbb 5

cisque

Sæc. XVIII. A. C. 1718. cisque studiosum: Hic tot calamitates suo Monasterio, Ecclesiæ ac subditis tanto tempore injustissime illatas pertæsus, primas eo intendit curas, ut disturbantem controversiam cum Tigurinis & Bernatibus Calvinistis tandem componeret: Præfigitur publico decreto huic negotiationi dies quinta Januarii, conveniunt tam Abbatix & Catholicorum Cantonum quam Bernatam & Tigurinorum Deputati, utrinque crebra consultationes, Badenæ seu Thermis Helveticis in Ergovia habentur, in quibus Abbas per suos Deputatos, quorum unus erat nonagenarius, ore & calamo profitebatur, se Rosbacensi paci nequaquam assensurum, sed omnino, ut nova iniretur, postulare: Catholici etiam Cantones Badenam & Zurzacam Urbes reddi petebant. Diu multumque circa hoc ceteraque controversia capita utrinque disceptatum, tandem vero præcipue Cæsaris hortatu inter Principem Abbatem, Catholicos Cantonum, & Tigurinos ac Bernates Zwinglianos pax inita, illiusque conditiones die decima quinta Junii subscriptæ confirmatæ sunt. Hujus autem præcipue leges erant sequentes.

I. Abbas in suas Provincias etiam Toggenburgicas restituatur, eique dominium in eas & territorialis super

ritas asserta maneat, eidemque Toggenburgenses homagium salvis eorum privilegiis præstent. Sæc. XVIII.  
A. C. 1718.

II. Toggenburgicus Senatus constet triginta Catholicis, totidemque Zwinglianis, quos patria Toggios communitates eligant.

III. Gubernatorem quemcunque placuerit constituere, sit penes solum Abbatem, inferiores autem Ministri æquali numero ex Catholicis & Zwinglianis constituerentur.

IV. Provincialis Senatus suæ communitatis causas judicet, nequaquam vero in Abbatis jura inolet, sed Principis & patriæ bonum, totis viribus procuraturum se, ac in rebus Principem concernentibus Provinciali Præfecto insinuaturum jurato spondeat, omnesque incolæ post decimum quartum ætatis annum fidei juramentum ei exsolvant.

V. Judicium Provinciale a Principe selectis duodecim Catholicis, & totidem Zwinglianis constet, in criminalibus jus aggratiandi & judicii potestas sit penes Principem, cujus etiam sint multæ pecuniariæ, confiscationes bonorum, jus venandi, piscandi, bona in territorio emendi, quin tamen ea bona ad manus mortuas devolvat, vel nova telonia erigat.

VI.

Sæc. XVIII. VI. Sola Religio Catholica & Zwingliana tolerantur, earumque liberum exercitium sit permissum.

A. C. 1718.

VII. Principi Abbati & Monasterio omnia ablata restituantur.

VIII. Jus confirmandi Prædicantes sit penes Abbatem, hi tamen a Catholicorum visitatione, & obedientiæ juramento Principi præstando exempti sint; multa alia constituebantur circa scholas, divisionem fructuum, circa Tempia construenda, Synodum, Prædicantes in una ex quatuor Urbibus Zwinglianis, Tiguri, Bernæ, Basiliæ, aut Scaphusii examinandos, & circa electiones Communitatum, collationes Principis &c. Denique concilium, quod si impostero controversia inter utramque partem oriretur, ea coram sex Cantonibus, quorum tres Princeps, tres vero Toggenburgenses nominabunt, vel amica compositione, vel juris ordine, non vero via facti decidentur, atque in Turgovia & Rhenan valle Pax Araviensis observetur, sitque plena amnestia, nec ulli parti expensarum in nupero bello factarum solutio imponatur.

Hæc ita fuere utrinque ratihabita nec tamen propterea cessarunt gramine & querelæ ab utraque parte propositæ, ob diversam pacis interpretationem.

tionem, Constantiensis etiam Episcopus Sæc. XVIII.  
 ob suam jurisdictionem sibi a Tigurinis A. C. 1718.  
 ademptam vehementer querebatur a-  
 pud Cæsarem, qui etiam acerbas ad-  
 modum literas desuper ad eos dedit.

§. LXXI.

*Hæc Pax a summo Pontifice tanquam  
 irrita declarata.*

Quoniam vero hæc pacta non modo Merc. Hist.  
 temporum calamitate, pejorum Jul. 33.  
 metu, ac necessitate fuere extorta, sed  
 in iis etiam pax Araviensis stabilita,  
 hinc Zwingliani hujus pacis executio-  
 nem in Turgovia & valle Rhenana ad-  
 versus Catholicos pro arbitrio suo ur-  
 gebant. Nulla amplius pacta, nec pri-  
 vata nec publica, quantumvis antiqua  
 & roborata, nullæ consuetudines &  
 vetusti usus valebant. Divisa Ecclesia-  
 rum bona cum A catholicis, Senatores  
 novi ex Zwinglianis constituti, in an-  
 gustias conjecti Catholici, Badenæ &  
 alibi nova fana erecta, Catholicis sub  
 Zwinglianorum dominatu nec gemere,  
 nec hiscere ausis. Intercefferant qui-  
 dem Cantones Catholici, exponentes,  
 nunquam suæ mentis fuisse, ut authen-  
 tica pacta ususque per nuperam trans-  
 actionem convellerentur, neque ut Epi-  
 scopo Constantiensi tanquam tertio,  
 jura